

वि॒जितमे॒वैत॒दनु॒ सर्वं॑ य॒ज्ञः स॒ंस्थाप॑यति त॒स्माद्य॒दुत॒ ऊर्ध्वं॑ वि॒लोम॑ य॒ज्ञे क्रिये॒त
न तदा॒द्रिये॒त स॒ंस्थितो॑ मे य॒ज्ञ इति॑ ह॒ विद्या॒त्स ह्ये॒ष य॒ज्ञो या॒तयामे॒वास य॒था
व॒षट्कृत॑ः कृत॑ः स्वा॒ह्वाकृत॑म् ॥ २३ ॥ ते दे॒वा अ॒काम॑यन्त । कथं॒ न्विमं॒ य॒ज्ञं पु॒-
नरा॒प्याय॑येमा॒यात॑यामा॒नं कुर्या॑म तेना॒यात॑याम्ना प्र॒चरे॑मेति ॥ २४ ॥ स य॒ज्जुह्वा॑मा॒ज्यं
परि॑शिष्टमा॒सीत् । येन॑ य॒ज्ञः स॒मस्था॑पयंस्तेनै॒व यथा॑पूर्व॑ः ह॒वीऽप्य॒भिधा॑रयन्पुनरे॒-
वैनानि॑ तदा॒प्याय॑यन्ना॒यात॑यामान्यकुर्वन्ना॒यात॑याम ह्या॒ज्यं त॒स्मादु॒त्तमं॑ प्रया॒जमिष्ट्वा
यथा॑पूर्व॑ः ह॒वीऽप्य॒भिधा॑रयति पुनरे॒वैनानि॑ तदा॒प्याय॑यत्य॒यात॑यामानि करोत्य॒या-
त॑याम ह्या॒ज्यं त॒स्माद्य॒स्य क॒स्य च॑ ह॒विषो॑ऽव॒द्यति॑ पुनरे॒व तद॒भिधा॑रयति स्वि॒-
ष्टकृत॑ऽएव तत्पुनरा॒प्याय॑त्य॒यात॑याम करोत्य॒थ यदा॑ स्विष्टकृते॑ऽव॒द्यति॑ न ततः
पुनर॒भिधा॑रयति नो हि ततः कां॒ चन॒ ह॒विषो॑ऽग्रा॒वाहु॑तिः ह्यो॒ष्यन्भ॒वति ॥ २५ ॥
ब्राह्म॑णम् ॥ ४ [५. ३.] ॥ ॥

स वै॒ समि॒धो य॒जति॑ । प्रा॒णा वै॒ समि॒धः प्रा॒णाने॒वैत॒त्समि॒न्दे प्रा॒णैर्ह्ययं॑ पु॒रुषः॑
समि॒द्धस्त॒स्माद॒भिमृ॑शेति ब्रूयाद्युप॒तापी॑ स्यात्स य॒द्युक्तः॑ स्यद्वै॒व ता॒वद्भ॑सेत स-
मि॒द्धो हि॒ स ता॒वद्भव॑ति य॒द्यु शी॒तः स्यान्ना॒श॑सेत तत्प्रा॒णाने॒वास्मि॑न्नेत॒दधा॑ति
त॒स्मात्समि॒धो य॒जति॑ ॥ १ ॥ अथ॒ तनू॑नपातं य॒जति॑ । रे॒तो वै॒ तनू॑नपा॒द्रित॑ ए॒वैत॒-
त्सिञ्च॑ति त॒स्मात्तनू॑नपातं य॒जति॑ ॥ २ ॥ अथे॒डो य॒जति॑ । प्र॒जा वा॒ऽइ॒डो यदा॑ वै
रे॒तः सि॒क्तं प्र॒जाय॑तेऽथ तदी॒डित॒मिवा॒न्नमि॑ह्मानं चरति तत्प्रै॒वैत॒ज्जन॑यति त॒स्मा-
दि॒डो य॒जति॑ ॥ ३ ॥ अथ॒ बर्हि॑र्य॒जति॑ । भू॒मा वै॒ बर्हि॑र्भू॒मानमे॒वैत॒त्प्रज॑नयति त॒स्मा-
द्वर्हि॑र्य॒जति॑ ॥ ४ ॥ अथ॒ स्वा॒ह्वास्वा॒हेति॑ य॒जति॑ । हे॒मन्तो॑ वा॒ऽऋ॒तूना॑ः स्वा॒ह्वाका॒-
रो हे॒मन्तो॑ ह्यी॒माः प्र॒जाः स्वं व॒शमु॑प॒नय॑ते त॒स्माद्दे॒मन्त्ना॒यत्यो॑षधयः प्र व॒नस्प॑ती-
नां प॒लाशा॑नि मुच्यन्ते प्र॒तित॑रामिव व॒याऽसि॑ भवत्य॒धस्तरा॑मिव व॒याऽसि॑ प॒तन्ति
वि॒प॒तित॑लोमे॒व पापः॑ पु॒रुषो॑ भवति हे॒मन्तो॑ ह्यी॒माः प्र॒जाः स्वं व॒शमु॑प॒नय॑ते स्वी